

道光己丑予計偕入都時都人士咸稱湖涪才藪有南陳北魏雲心學博海秋才高等語魏默深於予爲同年湯海秋於予爲研友惟雲心先生因留京始得交契嘗見其退食蕭閑于學無所不窺而立品端方尤爲一時所重間與談隲古人上下其議論能出懸解以發所未發甚矣雲心之嗜古而得其真也同治壬申解組歸涪時官吾邑廣文考爲陳丹皆雲心之姪也性嫻雅澹於進取十餘年來工林翕田講究六

金石摘

賀序一

書形聲之學於古人法帖好尤癖學畧距予半世也過從談文雖風雨瀟晦無阻嘗出金石摘十卷示余曰此近年陸續所輯原鈎存以備流覽自娛者也予閱之而深有感焉古人往矣古人不見我而我如見古人以古人有所存者在也何也簡篇者古人之口澤也碑版者古人之手澤也古人所言未必自記之毋亦門下士身炙之耳熟之因手記之若得傳述則編纂爲之摩擬出之或附會成之以此求古人未盡